

# Ko hai 'Oku Ma'ongo'onga Tahá?

Fakakakato fakakulupu e la'ipepa tufa ko 'ení, pea alea'i ho'o tali ki he ngaahi fehu'i ko 'ení.

Hiki ha ngaahi 'ekitiviti' okú ke manako ai: \_\_\_\_\_

- 'Omi ha hingoa 'o ha níihi fakafo'ituitui 'oku nau ma'ongo'onga mo'oni 'i hono fakahoko e ngaahi 'ekitiviti' na'a ke hiki 'i 'olungá. Ko e hā 'okú ne 'ai kinautolu ke ma'ongo'ongá?

'I ho'o hokohoko atu ke ako e ngaahi lea 'a e Fakamo'uí 'i he Ma'ake 10, kumi e me'a na'a Ne ako'i fekau'aki mo e me'a 'okú ne 'ai ha taha ke ma'ongo'onga mo'oni.

Lau 'a e Ma'ake 10:35–37, 'o kumi e me'a na'e kole 'e Sēmisi mo Sione ki he Fakamo'uí 'i he'enu fononga ki Selūsalemá.

'Oku fokotu'u mai 'e he kole 'a Sēmisi mo Sione ke na nofo 'i he nima to'omata'u mo e to'ohema 'o e Fakamo'uí na'a na fie ma'u ke ma'u 'a e nāunau mo e lāngilangi lahi ange 'i he pulé'anga 'o e 'Otuá 'i he me'a 'e ma'u 'e he Kau 'Aposetolo kehé. 'Oku lekooti 'i he Ma'ake 10:38–40 na'e fakamatala'i 'e he Fakamo'uí kia Sēmisi mo Sione 'e foaki 'a e tāpuaki ko 'ení kiate kinautolu 'oku mateuteu ke ma'u iá.

Lau 'a e Ma'ake 10:41, 'o kumi e anga e tali 'a e kau ākongá kehé ki he kole 'a Sēmisi mo Sioné.

- 'Okú ke pehē ko e hā na'e kovi'ia ai e kau ākongá kehé 'ia Sēmisi mo Sioné?

Lau 'a e Ma'ake 10:42–45, 'o kumi e me'a na'e ako'i 'e he Fakamo'uí ki Hé'ene kau ākongá fekau'aki mo e ma'ongo'ongá.

Fakakakato 'a e lea ko 'ení 'o fakatefito 'i he me'a na'e ako'i 'e he Fakamo'uí fekau'aki mo e ma'ongo'onga mo'oni:

**Ke hoko 'o ma'ongo'onga mo'oni, kuo pau ke tau** \_\_\_\_\_.

'Oku 'uhinga e fo'i lea 'i he veesi 45 ko e *tauhi*, ke tokanga'i, fakafiemālie'i, tokoni'i, mo popou'i e níihi kehé.

- Ko e hā ka pehē ai 'oku ma'ongo'onga mo'oni ha taha 'oku ngāue mo tokoni ki he níihi kehé ('o hangē ko e Fakamo'uí)?
- Ko e fē ha taimi kuo tokoni'i mo tokanga'i ai 'e ha taha koe mo ho fāmilí? Ko e hā te mou pehē ai 'oku ma'ongo'onga mo'oni e tokotaha ko iá?